

1

DE CONFLAGRA-  
TIONE AGRI PVTEO-  
LANI, SIMONIS POR-  
TII NEAPOLITANI  
EPISTOLA.



FLORENTIAE  
M D LI.

DE-CONFESSION  
THE NEW YORK  
LIBRARY  
OF THE  
CITY OF NEW YORK



FLORENTINE  
M. D. C.

ILLVSTRISS. D. PETRO A TOLE-  
TO PRINCIPI VILLAE FRANCAE, REGNI  
Neapolitani Proregi, & militum Impera-  
tori. Simon Portius. S. D.



VLTA sunt, quæ etsi naturali ra-  
tione eueniât, quia tamen raro con-  
tingunt, portenta hominibus: atque  
iis maximè, qui rumore potius ea  
quàm visu percipiunt, videri solent.  
Quamobrem ne de eo, quod nuper  
anno scilicet à partu Virginis M.D.

XXXVIII. campis accidit Puteolanis, falsum ali-  
quid ad te deferatur: cùm mea omnia, atque hæc præ-  
cipue, quæ ad nostra studia adtinent, me tibi debere  
sentiam: eius rei totius historiam breui recensere, &  
quod Philosophi propriû munus est, causas tibi ape-  
rire constitui: rem hæud ingrâtam me facturum exi-  
stimans. Vidisti tu quidem conflagrationẽ, & vniuer-  
sam Puteolorum regionẽ lustrasti. est ea vicina mari,  
aquis calidis, & luto solum sulfure abundans: montes ha-  
bet à septentrione & meridie, qui ad mare vsque pro-  
currût, vbi cauernæ multæ & magnæ caloris vim plu-  
rimam cohibent. Fuit hæc regio biennio ferè magnis  
terræmotib. agitata: vt nulla in ea superesset domus  
integra, nullum ædificiû, quod non certâ & proximâ  
ruinam minaretur. At vero. V. & IIII. Cal. Octobr.  
perpetuis diebus, noctibusque terra commota est:  
mare passim. fere. CC. recessit. quo quidẽ loco & in-  
gentem piscium multitudinẽ accolæ capere, & aquæ  
dulces proflire visæ fuerunt. III. tandem Cal. ma-  
gnus terræ tractus, qui inter radices montis, quem  
Barbarum incolæ appellant, & mare iuxta Auernum,

iacet: sese erigere videbatur, & montis subito nascentis figuram imitari. Eo ipso die hora noctis. II. istæ terræ cumulus, aperto veluti ore, magno cum fremitu, magnos ignes euomit: pumicesque & lapides, cinerisque foedi tantâ copiam, vt quæ adliuc extabant Puteolorû ædificia operuerit, herbas omnes texerit, arbores fregerit, pendentemque vindemian. ad sextû vsque lapidem in cineres verterit, aures quoque, & nonnullas quadrupedes bestias interemerit: fugiētibus per tenebras Puteolanis cum natis, & vxoribus & magno gemitu eiulatuque Neapolim sese recipientibus. Qui quidē cinis ad LX. fere passuum. milia exhalationis vi proiectus est. atque quod mirum videri potest, propè voraginem, siccus: longe vero, lutosus & humidus cecidit. Verûm quod omnem superat admirationem, mons circum eam voraginem, ex pumicibus, & cinere, plusquâ. M. passuum altitudine vna nocte congestus aspicitur. in quo multa quidem inerant spiramenta, è quibus duo nunc supersunt, alterum iuxta litus, quod procurrit ad Auernû: alterum in ipso montis medio. Auerni magna pars operta cinere, Balnea illa tot sæculis celebrata, quæque tot ægris salutē præstabât, cinere sepulta iacent. Durat & hoc incēdium ad hanc vsque diem, cum aliqua tamen interpollatione: cuius ego mox, quod pollicitus sum, causas naturæ conuenientes, explicare tentabo. Quæ natura raro fiunt, non vna ratione oriuntur. cum eorum quædam certis careât definitisque causis, cuiusmodi sunt quæ temere & casu fiunt: alia verò non sine certis causis, tametsi ea quoque raro eueniant. huius generis sunt, luminarium defectus, igneæ exhalationes, terræmotus. Sed cum hoc, de quo agimus, incendium, post magnos fuerit terræmotus; de terræmotu prius pau-

6  
ea quædam dicenda sunt, è quibus quæ ad hiatû per-  
tinent, commodius explicabuntur. Sol in terrâ agens  
humidam, fumû ex ea quendam educit: qui si crassior  
fuerit & humidior, vapor dicitur, & humida gignit,  
vt nubes, pluuias, aquasque perennes. sin sicciior, quæ  
exhalationem Aristoteles nuncupauit, sicca gignit &  
arida. Fumus hic in terræ antris & cauernis genitus,  
aut inde totus effluit, aut totus coërcetur: vel partim  
quidē effluit, partim coërcetur. Si totus effluit, vi sua  
propellit aërē & generat ventos: sin coërcetur totus,  
vel à meatibus & rimis ac arentis terræ soliditate; vel  
à crebris imbribus, quib. terrę meatus occluduntur,  
vel à vicino mari, quod suo tum frigore tum fluctu,  
fumos illos in terræ viscera repellit; tunc cū ignei  
sint, & vi coërceantur, egressum motu velocissimo  
quærentes, terrâ cōmouent, terræmotusque efficiūt  
magnos. si verò partim egrediātur, partim sub terras  
coërceātur, leues fiunt terræmotus: vi nanque immi-  
nuta, quæ egreditur pars, aërem; quæ, cohibetur terrâ  
mouet. Cæterū non est prætereunda causa illa supe-  
rior, quā Astrologi amplectuntur; stellarū videlicet  
cōuentus, solisque & lunæ defectus. Fuerunt hæc om-  
nia tēporibus his primū quidem, Martis cum Satur-  
no congressus in Virgine proximo solstitio, qui exha-  
lationes gignere, terræmotusque excitare consuevit.  
Fuere etiā non modò hoc, sed præterito quoq. anno  
lunæ defectus ac cometæ. Spectanda item sunt tēpora  
terræmotibus apta, ver & autumnus; quibus tum hu-  
miditatum, tum caloris incrementa fiunt. vnde sol &  
vapores gignit & exhalationes: quorum generatio-  
nem multo suo frigore prohibet hyems, multoque ca-  
lore æstas. Hæc de causis quas efficientes Philosophi  
vocant terræmotuum: deque eorundē temporibus.

Quibus accedit, quòd pròxima æstas pluuiis affluēs, autumnus potius quàm æstatis naturā tenuit: vnde mirum videri non debet, si frequentiores passā est regio nostra terræmotus. Soli enim gignendis exhalationibus vberiore aptioremque materiā tempora suppetarunt. Aptior porro terræmotibus hora, diluculū est: ea ratione, quòd Sol ad nos rediens, terrę cogit frigiditatem, quæ egressum prohibet exhalationibus unde magna vi illæ, celeritateque motæ; terram concutiunt. Quin & meridies idoneus quòd Sol exhalationes supernas dissipet, educatque infernas, quæ terrā mouent; quæ ratione sit in superficie tranquillitas, & intra viscera motio. Locus verò, qui maximè terræmotibus quatitur, has natura ipsa sortitus est conditiones: vt sit mari finitimus, eiusque terra velut spongia sit poris affluens & cauernis. quibus omnibus Puteolanus ager obnoxius, frequentes patitur terræmotus. Nunc igitur exhalationes in profundo multæ cōgregatæ, egredi quærentes, quo propius ad locū unde egressuræ erant accedebāt, eo maiore vi terræ partes proximas quatiebant; idque in causā fuit, vt terræmotus essent diebus illis perpetui. Demum exhalationes hæ motu velocissimo materiā in ea regione bituminosam, atque igne perustam, in terræ cauernis clausam inflammant, atque eā magna vi propulsam eiecerunt. Voraginis igitur hæ causæ reddi possunt. Sed cum plura voraginem hanc, & terræ hiatū præcesserint, ignemque egredientē comitentur; sigillatim eorum omnium rationes exquirere, non ab re fuerit. Mare primū recessit; non alia profecto ratione, nisi quòd exhalationes exitū quærentes, terram rarefecerunt, quæ veluti sitiens, aquā per suas rimulas hausit. quo factum est, vt pars illa terræ, quæ mari prius abluebatur

tur, sicca remanserit, & cinere & lapillis litus in altū se sustulerit. Præcessit etiam aqua frigida scaturiens: quod inde contigit, quoniam aqua è terra ob exhalationē prominente compressa, vberius emanauit, terra exitui aquæ cedēte, & in imum delapsa, mox exhalationum egredi quærentiū vi est sublata. Hæsitauerunt quidam, an ignis ille in bitumine præesset, an potius exhalationū motione accensus fuerit. Responsumque à nobis est, materiam quidem illam antea arsisse: argumento, quòd aquæ quæ iuxta eam scaturiebant, calidæ erant; verūm exhalationū impetu, & excūdi vim & incendium maius accepisse. Dubitant alii, cur non semper inde fumus exeat, aut non semper fremitus exaudiat; sed intervallis tēporis quibusdā quiescere videatur. Huius rei illud in causa est, quòd primis diebus os voraginis erat angustum: flamma item illa ab intimis terræ visceribus prodiens, cum in procinctu, & voraginis ori proxima erat, magno cum fremitu erupit: deinde dum exhalationis altera pars, à terræ profunditatibus ad os voraginis moueretur, non poterat fremitus ab iis, qui longe erant, percipi. Quòd vero cinis egrediens, vicinis locis siccior; at longinquioribus cadat humidior. Eius rei illud in causa esse existimo, quòd egrediens ab ardore siccior efficitur; at verò cum longius cadere nequeat, nisi prius ad aëris mediam perueniat regionem, crassior ibi & humidior fit, itaque descendit. Sed de tēpore quo incendiū hoc duraturū sit, quærunt rudiores, quibus à me fuit dictum, hoc ignorari: nec sciri aliter posse, nisi librata materia, qua ignis ille alitur. Verum qui Vesuii incendium huic Puteolano comparauerit, facile intelliget, non minori tempore duraturū hoc, quàm illud; cum magnum terræ spatium, imo totus ager Pu-

teolanus, sulfureo bitumine plenus sit, vt habeat ignis ille aptam, & non cito defecturam materiam.

Atqui quid hæc portentant nonnulli anxie quæ-  
runt. ego verò cum Peripateticis dico, nullam præsen-  
tionis istius certam esse causam: tametsi Cicero por-  
tentis multum tribuat, multum etiam detrahat. Qua-  
re ego, quod à me alibi disputatum est, nihil certi  
hæc significare, præter siccitatem, affirmo: cui frugū  
penuria succedere consuevit. quin & pestem multis  
ante sæculis accidisse accepimus. Astrologi intestina  
bella sequutura prædicant. corpora nanque ob supe-  
riores squallores ita arserunt, vt animus ad iram pro-  
nior sit, sed ex accidētī, ista omnia siccitatē sequūtur,  
vt in libris Meteor. demonstraui. Si qui sunt qui  
aliter sentiant, illorum rationibus doceri nunquam  
recusabo. Aristoteles similia contigisse in Heraclea ci-  
uitate Ponti, & in sacra insula Aetoli scriptum reli-  
quit. Imperante quoque Tito, anno secūdo imperii,  
Vesuius mons ab altero vertice magnos eructauit  
ignes. Item, Cæsare Augusto, Tito, & Antonino  
quarto, atque Diocletiano imperantibus; nec non L.  
Martio, ac Sex. Iulio Coss. in Arime insula, aperta  
huiusmodi voragine simile natum dicitur incen-  
dium. vnde tanti eruperunt ignes, anno salutis. 1300.  
vt tota modò non insula conflagrauerit. Sed huius  
rei causas aliàs explicabo. Hæc igitur mi Mecœ-  
nas scribenda duxi; ne Harioli, somnio-  
rumque interpretes, ac vulgares  
Astrologi alio trahāt, quæ  
natura duce pro-  
ueniunt.

f. 109